



7.

BIJENALE UMJETNOSTI MINIJATURE BOSNE I HERCEGOVINE

Pravilnik 7. BUM BiH

1. Na 7. Bijenalu "Umjetnost minijature Bosne i Hercegovine" mogu učestvovati svi umjetnici koji pripadaju likovnoj umjetnosti BiH.

2. Kategorije za izlaganje na Bijenalu:

-**slikarstvo** (ulje, akvarel, tempera, pastel, i sve druge tehnike), -**grafika** (sve grafičke tehnike i svi tiskani i printani mediji), -**crtež** (sve tehnike), -**skulptura i instalacije**.

3. Kategorije radova

Maksimalna veličina rada može biti **100 cm²** ukupne površine u prve četiri tačke iz člana 2, a **100³ cm** za tačku pet iz člana 2.

4. Atribucija djela

Svi radovi moraju biti potpisani, sa označenim pravcem postavljanja (oznaku postaviti na poledini rada).

Na poledini obavezno napisati ime autora i adresu, naziv djela, tehniku rada, godinu nastanka, prodajnu bruto cijenu rada (na obrazcu koji šalje organizator, a koji može biti i kopija obrazca poslatog od organizatora). Radovi mogu biti opremljeni i neopremljeni. Neopremljene radove će organizator 7. BUM BiH adekvatno opremiti. Oprema se zadržava prilikom vraćanja radova autoru. Umjetnici koji žele svoje radove donirati za fundus Bijenala naznačuju to na atribuciji djela.

5. Slanje radova:

Autori svoje radove mogu poslati poštom na adresu:

BOSANSKI KULTURNI CENTAR TK TUZLA
ul. Mije Keroševića Guje br. 3
75 000 Tuzla, Bosna i Hercegovina
(sa naznakom: za 7. BUM BiH)

6. Broj radova

Umjetnici mogu poslati jedan, dva ili maksimalno tri rada u jednoj kategoriji iz tačke 2. U jednoj kategoriji, samo jedan rad ulazi u konkurenciju za nagradu. Jedan umjetnik može poslati radove za jednu, dvije ili sve kategorije iz tačke 2.

7. Radove slati **do 20. 08. 2013. godine**, (uključujući i datum slanja poštanske pošiljke).

Sve naknadno pristigle radove komisija neće uzimati u razmatranje i biće vraćeni autorima. Radove koje selekciona komisija ne uzme u obzir za izlaganje na 7. BUM BiH biće vraćeni autorima do kraja septembra 2013. godine.

8. Za 7. BUM BiH biće štampan katalog sa po jednim radom svakog umjetnika koga selekciona komisija odabere za izlaganje od pristiglih radova.

9. Stručni žiri 7. BUM BiH-a dodjelit će četiri (4) ravnopravne nagrade, jednu (1) specijalnu nagradu "Aleksandar Aco Adamović", te GRAN PRIX Bijenala.

10. Nagradenim autorima BKC Tuzla organizuje samostalnu izložbu tokom 2014. godine.

11. Organizator 7. BUM BIH zadržava pravo da organizuje izložbu u BiH i inostranstvu, a vraćanje radova umjetnicima je nakon posljednje organizovane izložbe, a najkasnije do početka narednog bijenala.

Umjetnici koji žele da dobiju svoje radove nazad, nakon održanog 7. BUM BiH u Tuzli, to treba da navedu pismenom izjavom.

